

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-135/11
Sarajevo, 17.03.2011. godine

Z A P I S N I K
KONSTITUIRAJUĆE SJEDNICE DOMA NARODA PARLAMENTA
FEDERACIJE BOSNE I HERCEGOVINE, održane
17. marta 2011. godine

Sjednica je počela u 12 sati.

Sjednici je do izbora novog predsjedavajućeg Doma naroda Parlamenta Federacije Bosne i Hercegovine predsjedavao Stjepan Krešić, dosadašnji predsjedavajući Doma naroda Parlamenta Federacije Bosne i Hercegovine.

Predsjedavajući je otvorio Konstituirajuću sjednicu i pozvao prisutne da pozdrave himnu Bosne i Hercegovine. Potom je pozdravio novoizabrane delegate čestitajući im na izboru. Posebno je pozdravio potpredsjednika Federacije Bosne i Hercegovine Mirsada Kebu, premijera Kantona Sarajevo Fikreta Musića, gradonačelnika Sarajeva Aliju Behmena, predsjednika Sindikata Ismeta Bajramovića, predstavnike udruženja, međunarodnih organizacija i medijskih kuća koje prate rad Parlamenta.

Predsjedavajući je podsjetio delegate da se prema Amandmanu XXXIII. na Ustav Federacije Bosne i Hercegovine Dom naroda sastoji od po 17 delegata iz reda svakog od konstitutivnih naroda i sedam delegata iz reda ostalih.

Prema evidenciji Stručne službe, sjednici prisustvuju 32 delegata što čini većinu od ukupnog broja delegata.

Potom je predsjedavajući dao pauzu od 15 minuta kako bi se konstituisali klubovi naroda i dali prijedloge za članove Privremene mandatno–imunitetske komisije i Privremene komisije za izbor i imenovanja.

Predsjedavajući je podsjetio delegate da mogu predlagati po dva člana iz reda svog naroda dok delegati iz reda ostalih predlažu jednog člana u ove komisije, klubovi trebaju dati prijedloge kandidata za predsjedavajućeg i potpredsjedavajuće Doma naroda, predsjednika i potpredsjednike Federacije Bosne i Hercegovine.

Elvira Abdić-Jelenović zatražila je da se izvrši poimenično prozivanje delegata i da sjednicama klubova naroda prisustvuju predstavnici medija.

Nakon toga sekretar Doma naroda Izmir Hadživdić izvršio je prozivku i konstatovao da sjednici prisustvuju 32 delegata.

Nakon pauze, predsjedavajući je podsjetio delegate na predloženi dnevni red koji im je dostavljen uz poziv za sjednicu.

Adnan Jupić je, ispred delegata iz Saveza za bolju budućnost Bosne i Hercegovine, rekao da je od Centralne izborne komisije dobio dopis kojim je Komisija zauzela stav da se nisu stekli uvjeti za donošenje odluke o potvrđivanju rezultata posljednjih izbora i dodjeli mandata za Dom naroda Parlamenta Federacije Bosne i Hercegovine iz skupština sljedećih kantona: Sarajevo, Unsko-sanski, Zeničko-dobojski, Bosansko-podrinjski i Srednjobosanski. Izjavio je da delegati iz ove stranke neće glasati na ovoj sjednici, niti će položiti zakletvu.

Potom je sekretar Doma naroda još jednom izvršio prozivku delegata. Predsjedavajući Doma naroda konstatovao je da 30 prisutnih delegata predstavlja kvorum, te je predloženi dnevni red dao na glasanje.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 28 glasova, usvojio sljedeći:

D N E V N I R E D

1. Izbor Privremene mandatno-imunitetske komisije Doma naroda Parlamenta Federacije Bosne i Hercegovine,
2. Izvještaj Privremene mandatno-imunitetske komisije,
3. Davanje zakletve,
4. Izbor Privremene komisije za izbor i imenovanja Doma naroda Parlamenta Federacije Bosne i Hercegovine,
5. Izbor predsjedavajućeg i potpredsjedavajućih Doma naroda Parlamenta Federacije Bosne i Hercegovine,
6. Izbor predsjednika i potpredsjednika Federacije Bosne i Hercegovine.

1. Izbor Privremene mandatno-imunitetske komisije Doma naroda Parlamenta Federacije Bosne i Hercegovine

Predsjedavajući je podsjetio da je potrebno izabrati Privremenu mandatno-imunitetsku komisiju koja će verifikovati mandate delegatima u Domu naroda. Pozvao je predsjednike klubova da daju prijedloge članova za ovu komisiju.

Ispred Kluba delegata srpskog naroda Mira Ljubijankić, predsjednica Kluba, predložila je Slađana Ilića i Mladena Lonića.

Ispred Kluba delegata hrvatskog naroda Ivo Divković, privremeni predsjednik Kluba, predložio je Ivu Divkovića i Karolinu Pavlović.

Ispred Kluba delegata bošnjačkog naroda Amir Zukić, predsjednik, predložio je Hanku Vajzović i Esada Bašagića.

Segmedina Srna-Bajramović je ispred delegata iz reda ostalih predložila Eseda Radeljaša.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 28 glasova za, izabrao **Slađana Ilića, Mladena Lonića, Ivu Divkovića, Karolinu Pavlović, Hanku Vajzović, Esada Bašagića i Eseda Radeljaša** za članove Privremene mandatno–imunitetske komisije.

Potom je predsjedavajući dao pauzu kako bi se Komisija konstituisala i pripremila izvještaj.

2. Izvještaj Privremene mandatno-imunitetske komisije

Nakon pauze, Slađan Ilić je, ispred Privremene mandatno–imunitetske komisije, izjavio kako je Komisija konstatovala da su 33 delegata potpisala Izjavu o prihvatanju mandata delegata u Domu naroda Parlamenta Federacije Bosne i Hercegovine, te Komisija predlaže Domu naroda da verifikuje mandate sljedećim delegatima: Almedinu Aliefendić, Esadu Bašagiću, Zahidu Bašiću, Hajrudinu Bećiroviću, Ivanu Brigiću, Branislavu Crnogorac, Ivi Divkoviću, Amelu Hadžiabdiću, Slađanu Iliću, Janji Ivić, Zoranu Jovanoviću, Adnanu Jupiću, Miri Jurić, Predragu Kojoviću, Mustafi Kurtoviću, Mladenu Loniću, Miri Ljubijankić, Mirjani Malić, Daliborki Milović, Zijatu Mušiću, Vesni Nemeć-Klisuri, Karolini Pavlović, Ekremu Prošiću, Esedu Radeljašu, Sretku Radišiću, Dževadu Rađi, Vesni Saradžić, Salki Selmanu, Nikoli Simiću, Jasminu Smailbegoviću, Segmedini Srna-Bajramović, Hanki Vajzović i Amiru Zukiću.

U raspravi je učestvovala Elvira Abdić-Jelenović i izjavila da Klub delegata hrvatskog naroda nije formiran i da je Centralna izborna komisija Bosne i Hercegovine zauzela stav da se još nisu stekli uvjeti za dodjelu certifikata delegatima u Domu naroda Parlamenta Federacije. Budući da se Klub delegata hrvatskog naroda nije konstituisao, Dom naroda nije u mogućnosti punovažno odlučivati, te izjavila da ona nema pravo odlučivanja. Pozvala je Visokog predstavnika za Bosnu i Hercegovinu da se zauzme za što brže provođenje izbora delegata u Dom naroda iz onih kantona u kojima to još nije učinjeno.

Predsjedavajući Stjepan Krešić odgovorio je da je ovu sjednicu zakazao kako bi se ostavilo dovoljno vremena za usvajanje Budžeta Federacije Bosne i Hercegovine za 2011. godinu. Obavijestio je delegate da Centralna izborna komisija nije donijela nikakvu odluku kojom bi zauzela stav da se konstituirajuća sjednica Doma naroda ne može održati. Pozvao je kantone koji nisu izabrali delegate u Dom naroda Parlamenta Federacije da to što prije učine. Potom je predsjedavajući Izvještaj Privremene mandatno–imunitetske komisije dao na glasanje.

Na osnovu rezultata glasanja, predsjedavajući je konstatovao da je Dom naroda, sa 30 glasova za i uz jedan uzdržani glas, usvojio Izvještaj Privremene mandatno–imunitetske komisije i time verifikovao mandate sljedećim delegatima: Almedinu Aliefendić, Esadu Bašagiću, Zahidu Bašiću, Hajrudinu Bećiroviću, Ivanu Brigiću, Branislavu Crnogorac, Ivi Divkoviću, Amelu Hadžiabdiću, Slađanu Iliću, Janji Ivić, Zoranu Jovanoviću, Adnanu Jupiću, Miri Jurić, Predragu Kojoviću, Mustafi Kurtoviću, Mladenu Loniću, Miri Ljubijankić, Mirjani Malić, Daliborki Milović, Zijatu Mušiću, Vesni Nemeć-Klisuri, Karolini Pavlović, Ekremu Prošiću, Esedu Radeljašu, Sretku Radišiću, Dževadu Rađi, Vesni Saradžić, Salki Selmanu, Nikoli Simiću, Jasminu Smailbegoviću, Segmedini Srna-Bajramović, Hanki Vajzović i Amiru Zukiću.

3. Davanje zakletve

Predsjedavajući je pozvao delegate da polože zakletvu. Nakon položene zakletve predložio je da Dom naroda usvoji Zaključak koji je pročitao.

Sa 30 glasova za i uz jedan uzdržani glas, Dom naroda Parlamenta Federacije Bosne i Hercegovine donio je sljedeći:

Z A K L J U Č A K

1. Dom naroda Parlamenta Federacije Bosne i Hercegovine obavezuje Skupštinu Posavskog Kantona, Skupštinu Zapadno-hercegovačkog kantona i Skupštinu Kantona 10 da se u skladu sa Ustavom i zakonom u što kraćem roku konstituišu i što prije izaberu delegate u Dom naroda Parlamenta Federacije Bosne i Hercegovine.
2. Dom naroda Parlamenta Federacije Bosne i Hercegovine poziva Centralnu izbornu komisiju Bosne i Hercegovine da izvrši svoj dio obaveza u skladu sa Izbornim zakonom Bosne i Hercegovine.

4. Izbor Privremene komisije za izbor i imenovanja Doma naroda Parlamenta Federacije Bosne i Hercegovine

Predsjedavajući je podsjetio delegate da je potrebno izabrati Privremenu komisiju za izbor i imenovanja koja će na osnovu prijedloga klubova delegata konstitutivnih naroda utvrditi kandidate za predsjedavajućeg i potpredsjedavajuće Doma naroda Parlamenta Federacije Bosne i Hercegovine. Pozvao je predsjednike klubova da predlože članove za ovu komisiju.

Amir Zukić je, ispred Kluba delegata bošnjačkog naroda, predložio Mustafu Kurtovića i Ekrema Prošića.

Ivo Divković je, ispred Kluba delegata hrvatskog naroda, predložio Janju Ivić i Ivana Brigića.

Mira Ljubijankić je, ispred Kluba delegata srpskog naroda, predložila Mirjanu Malić i Daliborku Milović.

Segmedina Srna-Bajramović je predložena ispred delegata iz reda ostalih.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 30 glasova, izabrao: **Mustafu Kurtovića, Ekrema Prošića, Janju Ivić, Ivana Brigića, Mirjanu Malić, Daliborku Milović i Segmedinu Srna-Bajramović** za članove Privremene komisije za izbor i imenovanja Doma naroda Parlamenta Federacije Bosne i Hercegovine.

Data je pauza kako bi se Komisija sastala i dala prijedloge za predsjedavajućeg i potpredsjedavajuće Doma naroda Parlamenta Federacije Bosne i Hercegovine.

5. Izbor predsjedavajućeg i potpredsjedavajućih Doma naroda Parlamenta Federacije Bosne i Hercegovine

Mirjana Malić je, ispred Privremene komisije za izbor i imenovanja, obrazložila Izvještaj i pročitala prijedloge koje su dostavili klubovi naroda.

- Klub delegata hrvatskog naroda predložio je **Karolinu Pavlović** za predsjedavajuću Doma naroda Parlamenta Federacije Bosne i Hercegovine,
- Klub delegata bošnjačkog naroda predložio je **Jasmina Smailbegovića** za potpredsjedavajućeg Doma naroda Parlamenta Federacije Bosne i Hercegovine.

Potpredsjedavajući Doma naroda iz reda srpskog naroda izabrat će se na jednoj od sljedećih sjednica.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda, sa 29 glasova za, uz dva glasa protiv i uz jedan uzdržani glas, izabrao **Karolinu Pavlović** za predsjedavajuću Doma naroda Parlamenta Federacije Bosne i Hercegovine.

Na osnovu rezultata glasanja, predsjedavajući je konstatovao da je Dom naroda, sa 30 glasova za i uz dva glasa protiv, izabrao **Jasmina Smailbegovića** za potpredsjedavajućeg Doma naroda Parlamenta Federacije Bosne i Hercegovine.

Nakon toga, Stjepan Krešić čestitao je Karolini Pavlović na izboru za predsjedavajuću Doma naroda i pozvao je da preuzme predsjedavanje sjednicom. Također je čestitao i Jasminu Smailbegoviću na izboru za potpredsjedavajućeg Doma naroda.

* * *

KAROLINA PAVLOVIĆ PREDSDJEDA SJDNICOM

Predsjedavajuća Doma naroda zahvalila je na izboru i ukazanom povjerenju i preuzela vođenje sjednice.

Potom su predsjednici klubova čestitali novoizabranoj predsjedavajućoj i novoizabranom potpredsjedavajućem na izboru.

6. Izbor predsjednika i potpredsjednika Federacije Bosne i Hercegovine

Na osnovu Amandmana XLI. na Ustav, Federacija Bosne i Hercegovine ima predsjednika i dva potpredsjednika iz različitih konstitutivnih naroda.

Na osnovu Amandmana XLII. stav 1. na Ustav Federacije Bosne i Hercegovine, najmanje jedna trećina delegata iz svakog konstitutivnog naroda predlaže kandidate za predsjednika i dva potpredsjednika Federacije Bosne i Hercegovine.

Predsjedavajuća je pozvala predsjednike klubova da predlože kandidate za ove funkcije.

Ispred Kluba delegata hrvatskog naroda Ivo Divković predložio je **Živka Budimira** za predsjednika Federacije Bosne i Hercegovine.

Ispred Kluba delegata bošnjačkog naroda Amir Zukić predložio je **Mirsada Kebu** za potpredsjednika Federacije Bosne i Hercegovine.

Ispred Kluba delegata srpskog naroda Mira Ljubijankić predložila je **Svetozara Pudarića** za potpredsjednika Federacije Bosne i Hercegovine.

Na osnovu ovih prijedloga klubova formirana je Zajednička kandidatska lista na kojoj su Živko Budimir, Mirsad Kebo i Svetozar Pudarić kandidovani za predsjednika i potpredsjednike Federacije Bosne i Hercegovine. Predsjedavajuća je obavijestila delegate da je za prihvatanje Zajedničke liste potrebna većina glasova zastupnika u Predstavničkom domu a potom i većina glasova u Domu naroda, uključujući većinu glasova klubova konstitutivnih naroda.

Zajednička lista dostavljena je Predstavničkom domu Parlamenta Federacije Bosne i Hercegovine na daljnji postupak.

Sjednica je prekinuta u 17.50 kako bi Predstavnički dom održao svoju sjednicu.

NASTAVAK SJEDNICE

Sjednica je nastavljena u 19.50.

Predsjedavajuća je, na osnovu evidencije Stručne službe Doma naroda, utvrdila da sjednici prisustvuje dovoljan broj delegata, što čini kvorum.

Obavijestila je delegate da je svečanu izjavu dalo 13 bošnjačkih, 12 srpskih, šest hrvatskih i tri delegata iz reda ostalih.

6. Izbor predsjednika i potpredsjednika Federacije Bosne i Hercegovine

Predsjedavajuća je obavijestila delegate da je Predstavnički dom Parlamenta Federacije Bosne i Hercegovine na 2. vanrednoj sjednici od 17. marta 2011. godine donio Odluku o prihvatanju Zajedničke kandidatske liste za izbor predsjednika i dva potpredsjednika Federacije Bosne i Hercegovine na kojoj su predloženi: Živko Budimir za predsjednika Federacije Bosne i Hercegovine iz reda hrvatskog naroda, Mirsad Kebo za potpredsjednika Federacije Bosne i Hercegovine iz reda bošnjačkog naroda i Svetozar Pudarić za potpredsjednika Federacije Bosne i Hercegovine iz reda srpskog naroda.

Potom je pozvala Klub delegata hrvatskog naroda da glasa o Zajedničkoj listi.

Na osnovu rezultata glasanja, predsjedavajuća je konstatovala da je Klub delegata hrvatskog naroda, sa pet glasova za, prihvatio Zajedničku kandidatsku listu i time za predsjednika Federacije Bosne i Hercegovine iz reda hrvatskog naroda izabrao Živka Budimira a za potpredsjednike Federacije Bosne i Hercegovine iz reda bošnjačkog naroda Mirsada Kebu i iz reda srpskog naroda Svetozara Pudarića.

Na osnovu rezultata glasanja, predsjedavajuća je konstatovala da je Klub delegata bošnjačkog naroda, sa 10 glasova za i uz dva glasa protiv, prihvatio Zajedničku kandidatsku listu i time za predsjednika Federacije Bosne i Hercegovine iz reda hrvatskog naroda izabrao Živka Budimira a za potpredsjednike Federacije Bosne i Hercegovine iz reda bošnjačkog naroda Mirsada Kebu i iz reda srpskog naroda Svetozara Pudarića.

Na osnovu rezultata glasanja, predsjedavajuća je konstatovala da je Klub delegata srpskog naroda, sa 11 glasova za i uz jedan uzdržani glas, prihvatio Zajedničku kandidatsku listu i time za predsjednika Federacije Bosne i Hercegovine iz reda hrvatskog naroda izabrao Živka Budimira a za potpredsjednike Federacije Bosne i Hercegovine iz reda bošnjačkog naroda Mirsada Kebu i iz reda srpskog naroda Svetozara Pudarića.

Potom se Dom naroda izjašnjavao o Zajedničkoj kandidatskoj listi.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 29 glasova za, uz dva glasa protiv i uz jedan uzdržani glas, prihvatio Zajedničku kandidatsku listu i time za predsjednika Federacije Bosne i Hercegovine izabrao Živka Budimira iz reda hrvatskog naroda a za potpredsjednike Federacije Bosne i Hercegovine Mirsada Kebu iz reda bošnjačkog naroda i Svetozara Pudarića iz reda srpskog naroda.

Nakon toga predsjedavajuća je predsjedniku i potpredsjednicima Federacije Bosne i Hercegovine čestitala na izboru i pozvala ih da daju zakletvu.

Nakon davanja zakletve predsjednici klubova delegata u Domu naroda čestitali su predsjedniku i potpredsjednicima Federacije Bosne i Hercegovine.

Potom se Domu naroda Parlamenta Federacije Bosne i Hercegovine obratio Živko Budimir, predsjednik Federacije Bosne i Hercegovine.

Sjednica je završena u 20.15.

Transkript i prijepis transkripta sjednice čine sastavni dio Zapisnika.

SEKRETAR

Izmir Hadživdić

PREDSJEDAVALA

Karolina Pavlović